



Naaja H. Nathanielsen,
Inatsisartunut ilaasortaq
Inatsisartut
/MAANI

§ 37 nr. 2015-175-imut akissut

Inatsisartut Suleriaasianni § 37, imm. 1 naapertorlugu aalisarnermut tunngasunik Naalakkersuisunut apeqqueteqaateqarputit. Apeqqutit uannut akineqartussanngortinneqarsimapput.

29-07-2015
Suliap normua 2015-116610
All. nr. 2019663

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apnn@nanoq.gl
www.naalakkersuisut.gl

Apeqqut:

1. Kapisilinniarnermi pilersaarummut nutaamut atatillugu tusarniaatitsinerup ingerlarnganut Naalakkersuisut naammagisimaarinnippat? Naalakkersuisut isumaat naapertorlugu tusarniaavigineqartut naammassippat, aammalu tusarniaatitsinermi piffissaliussaq nutaanngitsoq sivitsugarlu naammassimappat?

2. Karl-Kristian Krusep 7. Juli KNR-ikkut oqaatigivaa naliliineq naammassippat kapisilinniarnernup siornatigutuut annertutiginissaa qularutiginngikkini. Kapisilinniarnermullu pilersaarusiarni nutaami arlalitsigut allannguuteqartitsinissaq ersippoq. Taamaattumik taamatut oqaaseqarnermut Naalakkersuisoq nassuiaateqaqquneqarpoq. Kapisilinniarnermut pilersaarut nassiunneqartoq Naalakkersuisuniit isumaqataaffigineqarpa imaluunniit isumaqataaffigineqanngila? NASCO-mullu aqutsinissamut isumaqatigiissut Naalakkersuisunit tapersorsorneqarpa imaluunniit naamik?

3. Nuummi siunissami tunisaqarsinnaannginnissamut sunarpiaq patsisaava? NASCO-mik isumaqatigiissutit tamanna kingunerivaa?

Akissutit:

AD 1) Naalakkersuisut kapisilinnut pilersaarutip tusarniaaffigineqarneranut tunngatillugu peruserineqartoq ajoriffissaqartingilaat. Tusarniaaneq Aalisarneq pillugu Inatsimmi aalajangersakkat kiisalu Aalisarnermut Siunnersuisoqatigiit suleriaasiat malillugit ingerlanneqarsimavoq. Aalisarnermut Siunnersuisoqatigiinni GE-mi aamma KNAPK-mi ilaasortat saniatigut aallartitat arlallit allat ilaasortaapput, taakkunani ilaallutik KANUKOKA, Pinngortitaleriffik aamma SQAPK kiisalu naalakkersuisoqarfiit attuumassutillit. Suleqatigiiffiit taakku aalisarnermi soqutigisaqartut tamarmiusut aallartitaqarfigaat, aalisartuniit sulisartunut nioqqutissiortullu ilanngullugit. Taamaammat Aalisarnermut Siunnersuisoqatigiit aalisarnerup pilersaarusiornissaa eqqarsaatigalugu pingaarnerpaajullutik oqartussaapput, tassungalu atatillugu allannguutitut aalisarnermut arlaatigut sunnuteqarsinnaasunut Aalisarnermut Siunnersuisoqatigiit tamatigut tusarniarneqaqqaartarput. Suliamilu matumani aamma taamaappoq. Suleqatigiiffiit ilaasortaminnik tusarniaasarnissaq akisussaaffigaat.

Tusarniaanerup qanoq sivilutiginissaanut Aalisarnermut Siunnersuisoqatigiinni maleruagassaqaqqanngilaq, aalisarnermilu aamma aalisarnermik inuussutissarsiteqarnermi ineriartortoqarnerani akuttunngitsumik sukkasuumik qisuariaqartoqartarnissaa piumasarineqartarmat akuttunngitsumik piaarnerpaamik tusarniaasoqartarluni. Taamatut oqartoqareerpat soorunami sivilunerusumik piffissaliilluni tusarniaasoqartarnissaa tamatigut tulluarnepaajusarpoq. Massakkulli pisumi piffissaliineq pissutigalugu tamanna periarfissaqarsimanngilaq. NASCO-mi ukiumoortumik ataatsimiinneq juunimi sapaatip akunnerani siullermi ingerlanneqarpoq, kalaallilu kapisilinniarnerat aggustimi aallartittussaavoq. Taamaammat tusarniaanerit, atortussanngortitsinissat allallu piffissamik atuiffiusarnerat pissutigalugu kapisilinniarnermi allannguutit piffissap sivikitsup ingerlanerani tamatigut suliarineqartarput. Taamatut ingerlatsisoqartuaannarsimavoq, pissutsillu avataaneersut aalajangiisuusarnerat Naalakkersuisut allanngortissinnaanngilaat. Taamaammat killiliussat aalajangersarneqareersut iluanni sulisoqartarpoq.

AD 2) Naalakkersuisut NASCO-mik aqutsinissaq pillugu isumaqatigiisummut isumaqataapput. Kalaallit Nunaat aalisarnerup killilersuiffiginissaanut aamma nakkutilliinerup sukateriffiginissaanut kiisalu aqutsinissamut isumaqatigiisummi nalunaarusiortarnissamut qilersorsimavoq. Taamaakkaluartuq tamatuma qanoq ingerlattarnissaanut Kalaallit Nunaat qilersorsimanngilaq, nammineerlutalu tamanna aalajangertussaavarput. Taamaammat aalisarnerup aqunneqarnissaanut pilersaarutissamut siunnersuut pillugu Aalisarnermut Siunnersuisoqatigiinnut tusarniaanermik nassiussisoqarpoq. Tusarniaanermik nassiussisoqarsimatillugu tamanna naleqqussarneqartarpoq, tamanna tusarniaareernerup kingorna pisariaqartinneqarpat. Tusarniaaneq maanna naammassineqareerpoq, tusarniaanermullu akissutit Naalakkersuisunit tusaatissatut tiguneqarput, tamatumunngalu pilersaarut naleqqussarneqarsimavoq.

AD 3) Kalaallit Nunaat aqutsinissamut pilersaarut aqqutigalugu Nuummi tunisisoqartannginnissaanut qilersorsimanngilaq. NASCO-mili illuatungiliuttut allat tunineqarsinnaasut aalajangersaaffigineqarnerisa kingornagut aalisartoqarnerulerneranut assut ernumassuteqarput, pisassiissutinillu tulaassisarneq aalisarnermi iluanaarniartut isigalugu. Kalaallit Nunaammi kapisilinniarnep iluanaarniarfiunnginnissaanut qilersorsimavoq. NASCO-mi illuatungiliuttut akuerisinnaavaat pisassiissutinik tulaassisussaaneqarnerup nunaqarfinni inuuniarnermut tapertaasinnaanera, matumani kalaallit aalisarnerat nammineq inuussutissanik aalisarnertut taaneqarsinnaatillugu. Kisiannili illoqarfinni anginerusuni allanik periarfissaqartuni pisassiissutinik tulaassinissami tunisineq eqqarsaatigalugu sutigut attuumassuteqartoqarnera takusinnaanngilaat. Isornartorsiunerup annertoqisup kingunerisaanik Naalakkersuisut aalajangersimapput siunnersuutigalugulu illoqarfinni anginerusuni pisassiissutinik tulaassinissami tunisisoqarsinnaassanngitsoq. Pisassiissutit 2012-imili aalajangersarneqarmata Nuuk illoqarfittut angisuutut kisimi tunisiffiusimavoq. Assersuutigalugulu Sisimiuniit qinnuiginnittoqassagaluarpata taakku aamma itigartinneqartussaapput, taamaammallu tamaat isigalugu Nuummut tunngassuteqanngilaq.

Ikinngutinnersumik inuulluarit

Karl-Kristian Kruse